

卷之二



臨川先生文集卷第十七

律詩七言八首

歲晚懷古

段約之園亭

又段氏園亭

回撓

醉醺金沙二花合發

次韻公闢正議書公戲語申之以祝助發一笑

次韻致遠木人洲二首

次韻龍興深甫二首

次葉致遠韻

次韻酬朱昌叔五首



次韻送程給事知越州

次韻酬徐仲元

詩奉送覺之奉使東川

次韻奉酬覺之

送程公闢得謝歸姑蘇

送項判官

次韻張德甫奉議

北山三詠

寶公塔

覺海方丈

道光泉

登寶公塔

重登寶公塔復用前韻一首

紙暖閣

雨花臺

北牕

小姑

榮上人遽欲歸以詩留之

呈陳和叔并序

招呂望之使君

公闢枉道見過獲聞新詩因叙歎仰

全椒張公有詩在北山西菴僧者授之悵然

有感

嶺雲



蓼蟲

莫疑

歲晚懷古

先生歲晚事田園魯叟遺書廢討論  
問訊桑麻俸已長按行松菊喜猶存  
農人調笑追尋壑稚子歡呼出  
侯門遙謝載醪祛惑者吾今欲辯已忘言

段約之園亭

愛公池館得志機初日留連至落暉  
菱暖紫鱗跳復沒柳陰黃鳥轉還飛  
徑無凡草唯生竹盤有嘉蔬不  
采薇勝事閩州雖或有終非吾土豈如歸

又段氏園亭

歌眠隨水轉東垣一點炊煙映水昏  
漫漫芙蓉蕖難覓

路脩脩楊柳獨知門青山呈露新如染  
白鳥嬉游靜不煩朱雀航邊今有此  
可能搖蕩武陵源

回撓

柴荆散策靜涼颺隱几扁舟白下潮  
紫磨月輪升靄靄帝青雲幕卷寒  
寒數家雞犬如相識一塢山林特  
見招尚憶木瓜園最好興殘中路且回撓

酴醾金沙二花合發

相扶照水弄春柔發似矜夸斂似羞  
碧合晚雲霞上起紅爭朝日雪邊流  
我無丹白知如夢人有朱鉉見  
即愁疑此冶容詩所忌故將樛木比  
綢繆

次韻公闢正議書公戲語申之以祝助發

一笑



故人辭祿未忘情語我猶能作打城身不自遭如貢  
薛兒應堪教比韋平老羆豈得長高卧雛鳳仍聞已  
間生把盞祝公公莫拒緇衣心為好賢傾

次韻致遠木人洲二首

迷子山前漲一洲木人圖志失編收年多但有柳生  
肘地僻獨無茅蓋頭河側鮑生乾尚立江邊屈子橋  
將投未妨他日稱居士能使君疑福可求

二

机爾何年客此洲飄流誰弃止誰收無心使口肝使  
自有幹作身根作頭暴露神靈難寄託禱祠村落幾  
依投紛紛剪紙真虛負立槁安知富可求

次韻酬龔深甫二首

恩容楚老護松楸復得一龔從我遊講肆劇談兼祖  
謝舞雩高蹈異求由北尋五柞故未愁東挽三楊仍  
有樛陟巘降原從此始但無瑤玉與君舟

二

握手東岡雪滿筵後期惆悵老吳蠶芳辰一笑真難  
值暮齒相思豈久堪他日杜詩傳渭北幾時周宅對  
漳南百年邂逅能多少且可勤來共草菴

次葉致遠韻

生涯聊占水中洲豈即乘桴逐聖丘身與鳧飛仍鴈  
集心能茅靡亦波流由來杞梓常先伐誰謂菰蒲可  
久留乘輿吾廬知未厭故移脩竹擬延騶

荆去即東浮逐聖丘憂國無時須問舍得城有與即  
乘流由來要路當先據誰謂窮鄉可久留他日五湖



尋  
重  
比  
駐  
前  
想  
能

次韻酬朱昌叔五首

點也自殊由與求既成春服更何憂拙於人合且天  
合靜與道謀非食謀未愛京師傳谷口但知鄉里勝  
壺頭嗟予老矣無一事復得此君相與遊

二

去年音問隔淮州百謫難知亦我憂前日杯盤共江  
渚一歡相屬豈人謀山蟠直瀆輸淮口水抱長干轉  
石頭乘興舟輿無不可春風從此與公遊

三

烏榜登臨興未休共言何許更消憂聯裾蕭寺尋真  
覺方駕孫陵弔仲謀語罷每開歡笑口詩來仍掉苦

吟頭已知軒冕真吾累且可追隨馬少游

四

白下門東春水流相看一嘯散千憂穿梅入柳曾莫  
逆度漸緣岡初不謀世事但如吹劍首官身難即問  
刀頭長臨鍛竈真自苦有興復來從我遊

五

樂世閑身豈易求巖居川觀更何憂放懷自事如初  
服買宅相招亦本謀名譽子真矜谷口事功新息困  
壺頭知君於此皆無累長得追隨瘴壤遊

次韻送程給事知越州

千騎東方占上頭如何誤到北山遊清明若覩蘭亭  
月暖熱因忘蕙帳秋投老始知歡可惜通宵豫以別



為憂西歸定有詩千首想肯重來賁一丘

次韻酬徐仲元

投老逍遙此與堂天刑真已脫折楊緣源靜鬻無魚  
恣度谷深追有鳥頗每苦交游尋五柳最嫌尸祝擾  
庚桑相看不厭唯夫子風味真如顧建康

詩奉送覺之奉使東川

三秋不見每惓惓捉手山林復悵然後會敢期黃耆  
日相看且度白雞年畏途石棧王尊馭榮路金門祖  
逸鞭一代官儀新藻拂得瞻宸宇想留連

次韻奉酬覺之

久知乘傳入四州雞黍從容本不謀戶外驚塵尺書  
至眼中飛浪白帆收山林病骨煩三顧湖海離腸欲

萬周尚有光華賁岑寂篋中佳句得長留

送程公闢得謝歸姑蘇

東歸行路嘆賢哉碧落新除寵上才白傅林塘傳書  
去吳玉花鳥入詩來唱酬自有微之在談笑應容逸

少陪

少保元絳謝事居姑蘇又王燕集

燕集

除此兩翁相見外

不知三徑為誰開

送項判官

斷蘆洲渚落楓橋渡口沙長過午潮山鳥自呼泥滑  
滑行人相對馬蕭蕭十年長自青衿識千里來非白  
壁招握手祝君能強飯華簪常得從雞翹

次韻張德甫奉議

知君非我載醪人終日相隨免汗茵賞盡高山見流



水唱殘白雪值陽春中分香積如來鉢對現毗耶長者身誰拂定林幽處壁與君圖寫繼吾真

北山三詠

寶公塔

道林真骨葬青霄空堵千秋未寂寞寶勢旁連大江起尊形獨受衆山朝雲泉別寺分三徑香火幽人止一瓢我亦鷲峯同聽法歲時歌頌豈辭遙

覺海方丈

往來城府住山林諸法脩然但一音不與物違真道廣每隨緣起自禪深舌根已淨誰能壞足迹如空我得尋歲晚北窻聊寄傲蒲萄零落半牀陰

道光泉

盪龍將雨繞山行注遠投深靜有聲雲涌浴增朝自暖虹垂齋鑊午還晴銅瓶各滿幽人意玉梵因高正士名神力可嗟妨智巧枯槔零落便蒼生

登寶公塔

倦章疲馬放松門自把長筇倚石根江月轉空爲白盡嶺雲分暝與黃昏鼠搖岑寂聲隨起鷓鴣荒寒影對翻當此不知誰客主道人忘我我忘言

重登寶公塔復用前韻二首

空見方墳涌半霄難將生死問參寥應身東返知何國瑞像西歸自本朝遺寺有門非輦路故池無鉢但僧瓢獨龍下視皆陳迹追數齊梁亦未遙



碧玉旋螺恍隔霄冠山仙冢亦寥寥空餘華飾延風  
月無復靈蹤落市朝帳座追嚴多獻寶供盤隨施有  
揀瓢他方出沒還如此與物何心作適遙

紙暖閣

聯屏蓋障一尋方南設鈎簾北置牀側座對敷紅紫  
暖仰總分啓碧紗涼檀廬易以梅丞壞錦幄終於草  
野妨楚設越藤真自稱每糊因得減書囊

雨花臺

盤互長干有絕陴并包佳麗入江亭新霜浦淑綿綿  
淨薄晚林巒往往青南上欲窮牛渚怪北尋難忘草  
堂靈篋與却走垂揚陌已戴寒雲一兩星

北牕

病與衰期每強扶雞壑桔梗亦時湏空花根蒂難尋  
摘夢境煙塵費掃除者域藥囊真妄有軒轅經匱或  
元無北窻枕上春風暖漫讀毗耶數卷書

小姑

小姑未嫁與蘭支何恨流傳樂府詩初學水仙騎赤  
鯉竟尋山鬼從文狸續紛雲襦空棠檝綽約煙鬟獨  
挂旗弄玉有詞終或往飛瓊無夢故難知

榮上人遽欲歸以詩留之

道人傳業自天台千里愴然赴感來梵行毗沙為外  
護法遶靈曜得重開已能為我透神足便可隨方長  
聖胎肯顧北山如慧約與公西嶠斲莓苔

呈陳和叔并序



嘉祐末和叔以集賢校理判登聞鼓院同知太常禮  
院皮場街有園數畝中置二椽輓表文北戶臨溝略約  
通街旁作小屋毀輓車爲蓋某以直集賢院爲三司  
度支判官以知制誥糾察在京刑獄同管勾三班院  
間度約飯車蓋下隨所有無坐卧輓上笑語常至夜  
如此三歲而和叔遭太夫人憂未幾某亦喪親以去  
時 永昭陵尚未復土也後與和叔皆蒙  
今上拔用數會議語皆憂傷之餘責厚事叢無復故  
情元豐元年某食觀使祿居鍾山南和叔經略廣東  
道舊帳然某作詩以叙其事

毀車爲屋僅容身三歲相要薄主人晝寓椽輓常至  
夜冬泐溝約復尋春南咳不泊公歸里蒼藁垂成我  
喪親後會縱多無此樂山林投老一傷神

相呂望之使君

潮溝東路兩牛鳴十畝漪連一草亭委質山林如許  
國寄懷魚鳥欲忘形紛紛易變浮雲白落落誰鍾老  
楮青尚有使君同好惡想隨秋水肯揚舲

公闕枉道見過獲聞新詩因叙歎仰

青丘神父能爲政碧落僊翁好作詩舊事齊兒應共  
記新篇楚老得先知懷輓大峴如迎日供帳閭門勝  
去時若與鷓夷關百草錦囊佳麗敵西施

全椒張公有詩在北山西菴僧者漫之悵

然有感

十年悵悵躡山阡終欲持杯滴到泉東路角巾非故



約西州華屋漫脩椽幽明永隔休炊黍真俗相妨久  
絕弦遺墨每看疑邂逅復隨人事散如煙

嶺雲

嶺雲合處小盤淵聖人得數余馬解鞍寒菼著天榆  
歷歷淨華浮海桂團團交游渙散淵明喜吏卒蕭條  
叔夜寬方丈老翁無一髮更知來不爲皮冠

蓼蟲

蓼蟲事業無餘習芻狗文章不更陳隱几自憐居喪  
我僑堂誰覺似非人難堪藏室稱中士祇合箕山作  
外臣尚有少緣交未死欲持新句惱比隣

莫疑

莫疑禪伯未知禪莫笑仙翁不學仙靈骨肯傳黃薛

燼真心自放赤松煙蓮華世界何關汝楮葉工夫浪  
費年露鶴聲中江月白一燈岑寂擁書眠

臨川先生文集卷第十七



臨川先生文集卷第十八

律詩

七言八句

示俞秀老

外厨遺火示公佐

讀眉山集次韻雪詩五首

讀眉山集愛其雪詩能用韻復次韻一首

八功德水

寄題程公闢物華樓

酬俞秀老

次韻吳冲卿召赴資政殿聽讀詩義感事

張侍郎示東府新居詩因而和酬二首

次韻冲卿上元從

駕至集禧觀偶成



次韻陪駕觀燈

和吳相公東府偶成

和蔡樞密孟夏日西府書事

和蔡副樞賀平戎慶捷

次韻奉和蔡樞密南京種山藥法

次韻元厚之平戎慶捷

謁曾魯公

駕自啓聖還內

集禧觀池上詠野鵝

次韻東廳韓侍郎齋居晚興

酬和甫祥源觀醮罷見寄

和御製賞花釣魚

次揚樂道韻六首

後殿朝次偶題

御溝

幕次憶漢上舊居

後苑詳定書懷

上巳聞苑中樂聲書

用韻書十日事呈樂道舍人聖從待制

詳定幕次呈聖從樂道

崇政殿詳定幕次偶題

詳定試卷二首

奉酬楊樂道

奉酬聖從待制



次韻吳仲庶省中畫壁

夜讀試卷呈君實待制景仁內翰

荅張奉議

示俞秀老

縹緲山如涌翠波人家一半在煙蘿時豐且笑語春聲  
早地僻追尋野興多窄堵朱甍開北向招提素脊隱  
西阿暮年要與君携手處處相煩作好歌

外厨遺火示公佐

刀匕初無欲清

七姓切

人如何龍鬼尚嫌嗔脩脩短榻方

煬

一作

火辨丹青煙已被宸邈迤焚巢連鳥雀倉

黃濡幕愧比鄰王陽幸有囊衣在報賞焦頭亦未貧

讀眉山集次韻雪詩五首

若木昏昏未有鷓凍雷深閉阿香車搏雲忽散籬爲  
屑翦水如分綴作花擁帚尚憐南北港持杯能喜兩  
三家戲接弄掬輸兒女羔袖龍鍾手獨叉

二

神女青腰寶髻鷓獨藏雲氣委飛車夜光往往多聯  
璧白小紛紛每散花珠網纏連拘翼座瑤池森漫阿  
環家銀爲宮闕尋常見豈即諸天守夜叉

三

惠施文字黑如鷓於此機絨漫五車曠若易緇終不  
染紛然能幻本無花觀空白足寧知處疑有青腰豈  
作家慧可忍寒真覺晚爲誰將手少林叉

四



寄聲三足阿環鷓問訊青腰小駐車一一照肌寧有  
種紛紛迷眼爲誰花爭妍恐落江妃手耐冷疑連月  
姊家長恨玉顏春不父畫圖時展爲君父

五

戲搖微編女髮鷓試咀流酥已頰車歷亂稍埋冰揉  
粟消沉時點水圓花豈能舴艋真尋我且與蝸牛獨  
卧家欲挑青腰還不敢直須詩膽付劉叉

讀眉山集愛其雪詩能用韻復次韻一首

靚粧嚴飾曜金鷓比興難工漫百車水種所傳清有  
骨天機能織皖非花嬋娟一色明千里綽約無心熟  
萬家長此賞懷甘獨卧表安交戟豈須叉

八功德水

雪山馬口出琉璃聞說諸天與護持此水遙連八功  
德供人真淨四威儀當時迦葉無塵染何事閩鄉有  
土思道力起緣非一路但知瓢飲是生疑

寄題程公闢物華樓

吳楚東南最上游江山多在物華樓遙瞻旌節臨尊  
俎獨卧柴荆阻獻酬想有新詩傳素壁怪無餘墨到  
滄洲馮浯南望重重綠章水還能向此流

酬俞秀老

灑掃東庵置一牀於君獨覺故情長有言未必輸摩  
詰無法何曾泥飲光天壤此身知共弊江湖他日要  
相忘猶貪半偈歸思索却恐提汨妄揣量

次韻吳冲卿召赴資政殿聽讀詩義感事



冲卿詩云雪銷鳩接寵正風獲聽二南終  
上公書日午鷺三接寵正風獲聽二南終  
漸頤共仰天顏喜牆面裁容聖域通午  
義所初進二南有  
旨資政殿讀六

周南麟趾聖人風未有騶虞繫召公雅頌兼陳為四  
始笙歌合奏以三終討論詔使成書上休瀚恩容著  
藉通牆面豈能知奧義延陵聽賞自為聰

張侍郎示東府新居詩因而和酬二首

得賢方慕北山萊赤白中天二府開功謝蕭規慙漢  
第恩從隗始詫燕臺曾留 上主經過跡更費高人  
賦詠才自古落成須善頌掃除東閣望公來

二

榮觀流傳動草萊中官賜設上尊開鼓歌竊寐聽疑

慶者果聯翩鯁有稟芥藻故應宜舊德棟梁非復稱  
凡材虛堂欲踵曹參事試問齊人或肯來

次韻冲卿上元從 駕至集禧觀偶成

昭陵持橐從遊人更見熙寧第四春寶飾中開移玉  
座華燈錯出映朱塵輦前時看新歌舞仗外還如舊  
微巡投老逢時追往事却含愁思度天津

次韻陪 駕觀燈

繡簾含風下玉除宮商按奏斐然殊福祥周室流為  
火恩澤堯博散在衢伏枕但能知廣樂揮毫何以報  
明珠願留巾篋歸田日追詠公歡每自娛

和吳相公東府偶成

承華往歲幸躋躋風月清談接緒餘並轡趁朝今已



老連牆得屋喜如初  
誅茅我夢江星地  
澆蓬公思洛水渠  
歛退故應容拙者  
先營環堵祭牢蔬

和蔡樞密孟夏日西府書事

宮闕初晴氣象饒  
寶車播鼓會皇朝  
重輪慶自離明發  
內壤陰隨解澤消  
賜籩外廷紛錦繡  
燕庖中禁續薪樵  
聯翩入賀知君意  
咫尺威顏不隔宵

和蔡副樞賀平戎慶捷

城郭名王據兩陞  
軍前一日送降旗  
羌兵自此無傳箭  
漢甲如今不解纍  
幕府上功聯舊代  
朝廷稱慶具新儀  
周家道泰西戎喙  
還見詩人詠串夷

次韻奉和蔡樞密南京種山藥法蔡詩并

見索南都種山藥法并以生頭數十莖送

試五種即見引須綠夏木定知如燕鶯冬

堯雲雨露備自襄自題還

區種拋來六七年  
春風條蔓想宛延  
難追老圃莓苔徑  
空對珍盤玳瑁筵  
嘉種忽傳河右壤  
靈苗更長關西偏  
故畦穿斲知何日  
南望鍾山一慨然

次韻元厚之平戎慶捷來詩有何人更得

只晉公之句

朝廷今日四夷功  
先以招懷後殪戎  
胡地馬牛歸隴底  
漢人煙火起湟中  
投戈更講諸儒藝  
免胄爭趨上將風  
文武佐時慚吉甫  
宣王征伐自虜公

謁曾魯公即赴會時

翊戴三朝冕有蟬  
歸榮今作地行仙  
且開京闕一作洛



蕭何第朱放江湖范蠡船老景已鄰周呂尚慶門方  
似漢韋賢一觴豈足爲公壽願賦長虹吸百川

駕自啓聖還內

衣冠原廟漢家儀羽衛親來此一時 天子當懷霜  
露感都人亦歎鼓簫悲紛紛瑞氣隨雲漢漠漠榮光  
上日旗塵土未驚閭闔閉綠槐空覆影參差

集禧觀池上詠野鵝

池上野鵝無數好晴天鏡裏雪毳毳似憐暄暖鳴相  
逐疑戀寬閑去却回京洛塵沙工點汗江湖矧弋飽  
驚猜羽毛的的人難近嗟此謀身或有才

次韻東廳韓侍郎齋居晚與

齋禁雖嚴異太常蕭然高卧意何長煙含欲暝宮庭

紫日映新秋省闈黃壯節易摧行踽踽華年相背去  
堂堂追攀坐歎風塵隔空聽鈞天夢帝鄉

酬和甫祥源觀醮罷見寄

竊祿祠官久見容每持金石薦宸衷鈞天忽忽清都  
夢方丈寥寥弱水風知結勝緣人意外想尋陳迹馬  
蹄中新詩起我超然興更感鍾山蕙悵空

和 御製賞花釣魚

蔭暈晴雲拂曉開傳呼仙仗九天來披香殿上留朱  
輦太液池邊送玉杯宿藥暖含風浩蕩戲鱗清映日  
徘徊宸章獨與春爭麗恩許賡歌豈易陪

二

靄靄祥雲輦路晴傳呼萬歲雜春聲蔽虧玉仗宮花



密映燭金溝御水清珠藻受風天下暖錦鱗吹浪日  
邊明從容樂飲直禁遇願賦嘉魚頌太平

次楊樂道韻六首

後殿朝次偶題

百年文物士優游萬國今方似綴旒發策東堂招雋  
又回輿北苑罷倡優忽隨諸彥登龍尾尚憶當年應  
鵠頭獨望清光無補報更慙虛食太官羞

御溝

渺渺金河漲欲平數支分綠報清明常縈輦路漂花  
去更引流杯送酒行靜見金輿穿樹影清含玉漏過  
牆聲衰顏一照自多感迴首江南春水生

幕次憶漢上舊居

漢水泱泱繞鳳林峴山南路白雲深如何憂國忘家  
日尚有求田問舍心直以文章供潤色未應風月負  
登臨超然便欲遺榮去却恐元龍會見侵

後苑詳定書懷

文墨由來妙禁中家傳豈獨賦河東平生聽想風聲  
早數日追隨笑語同御水新如鴨頭綠宮花更有鶴  
翎紅看花弄水聊爲樂不晚朝廷相弱翁

上巳聞苑中樂聲書事

苑中誰得從春遊想見漸臺瓦欲流御水曲隨花影  
轉宮雲低繞樂聲留年華未破清明節日暮初回袂  
襖舟更覺至尊思慮遠不應全爲拙倡優

用樂道舍人韻書十日亭呈樂道舍人



聖從待制

東門人物亂如麻想見新鷲照路華  
午鼓已傳三刻漏從官初賜一杯茶  
忽忽殿下催分首擾擾官前聽  
賣花歸去莫言天上事但知呼客飲流霞

詳定幕次呈聖從樂道

殿閣掄材覆等差從臣今日擅文華  
揚雄識字無人敵何遜能詩有世家  
舊德醉心如美酒新篇清目勝  
眞茶一觴一詠相從樂傳說猶堪異日誇

崇政殿詳定幕次偶題

嬌雲漠漠護層軒嫩水濺濺不見源  
禁柳萬條金細撚宮花一段錦  
新翻身閑始更知春樂地廣還同避  
世喧不恨玉盤水未賜清談終日自蠲煩

詳定試卷二首

簾垂咫尺斷經過把卷空聞笑語多  
論衆勢難專可否法嚴人更謹  
誰何文章直使看無賴勲業安能保  
不磨疑有高鴻在寥廓未應回首顧張羅

二

童子常誇作賦工暮年羞悔有揚雄  
當時賜帛倡優等今日論才將相中  
細甚客卿因筆墨早於爾雅注  
魚蟲漢家故事眞當改新詠知君勝弱翁

奉酬楊樂道

邂逅聯裾殿閣春却愁容易即離群  
相知不必因相識所得如今過所聞  
近代聲名出虛駱前朝筆墨數  
淵雲與公家世由來事愧我初無百一分



奉酬聖從待制

班行想望歲空多，知有龍門未敢過。  
和近聖人師展季，勇爲君子盜荆軻。  
三刀舊協庭闈夢，五袴今傳里巷歌。  
復道諫書嘗滿篋，不唯詩句似陰何。

次韻吳仲庶省中畫壁

畫史雖非顧虎頭，還能滿壁寫滄洲。  
九衢京洛風沙地，一片江湖草樹秋。  
行數條魚賓共樂，卧看鷗鳥吏方休。  
知君定有扁舟意，却爲丹青肯少留。

夜讀試卷呈君奭員待制景仁內翰

篝燈時見語驚人，更覺揮毫捷有神。  
學問比來多可喜，文章非特巧爭新。  
蕉中得鹿初疑夢，牖下窺龍稍眩真。  
邂逅兩賢時所服，坐令孤朽得相因。

答張奉議

五馬渡江開國處，一牛吼地作菴人。  
結蟠茅竹纔方丈，穿築溝園未過旬。  
我久欲忘言語道，君今來見句文身。  
思量何物堪酬對，棒喝如今總不親。

臨川先生文集卷第十八



臨川先生文集卷第十九

律詩

十言八句

次韻和吳仲庶池州齊山畫圖

次韻祖擇之登紫微閣二首

送沈興宗察院出使湖南

春風

永濟道中寄諸舅弟

道逢文通北使歸

將次相州

次韻平甫喜唐公自契丹歸

尹村道中

次韻王勝之詠雪



次韻酬府推仲通學士雪中見寄

次韻宋次道憶太平早梅

和曾子翊授舒椽之作

送劉和父奉使江西

次韻張子野竹林寺二首

送吳龍圖知江寧

送直講吳殿丞宰鞏縣

送真州吳處厚使君

送李質夫知陝府

題儀真致政孫學士歸來亭

次韻吳季野題岳上人澄心亭

送彥珍

寄張先郎中

汜水寄和甫

寄黃吉甫

次韻平甫村墅春日

即席次韻微之泛舟

示長安君

和平甫招道光法師

和祖仁晚過集禧觀

程公闢轉運江西

次韻微之即席

和王微之秋浦望齊山感李太白杜牧之

次韻王微之登高齋



和微之重感南唐事

李君昂弟訪別長蘆至淮陰追寄

貴州虞部使君訪及道舊竊有感惻因成小

詩

冲卿席上得行字

示董伯懿

次韻和吳仲庶池州齊山畫圖

知制誥詩

省中何忽有崔嵬六幅生綃坐上開指點便知巖石  
處登臨新作史君來雅懷重向丹青得勝勢兼隨翰  
墨回更想杜郎詩在眼一江春雪下離堆

次韻祖擇之登紫微閣二首

漠漠秋陰護掖垣青雲祇在兩楹間宮樓唱罷雞人

遠門闕朝歸虎士閑華蓋北瞻天帝座蓬萊東想道

家山却慙久此隨諸彦文采初無豹一斑

二

掖門相對敞銅鑲轡轡飛夢在兩閒潤色平生知地  
禁登臨此日愧身閑浮書倒影移窻隙落木回飈動  
屋山忽憶初來秋尚早紫微花點綠苔斑

送沈興宗察院出使湖南

諫書平日阜囊中朝路爭看一馬馳漢節飽曾衝海  
霧楚帆聊復借湖風皇華命使今為重直道酬君遠  
亦同投老承明無補助得為湘守即隨公

春風

一馬春風北首燕却疑身得舊山川陽浮樹外滄江



水塵漲原頭野火煙日借嫩黃初著柳雨催新綠稍  
歸田回頭不見辛夷發始覺看花是去年

永濟道中寄諸舅弟

燈火忽忽出館陶回看永濟日初高似聞空舍烏烏  
樂更覺荒陂人馬勞客路光陰真棄置春風邊塞祇  
蕭騷辛夷樹下烏塘尾把手何時得汝曹

道逢文通北使歸

朱顏使者錦貂裘笑語春風入貝州欲報京都近消  
息傳聲車馬少淹留行人盡道還家樂騎士能吹出  
塞愁回首此時空慕羨驚塵一段向南流

將次相州

青山如浪入漳州銅雀臺西八九丘螻蟻往還空

敵驥驎埋沒幾春秋功名蓋世知誰是氣力迴天到  
此休何必地中餘故物魏公諸子分衣裘

次韻平甫喜唐公自契丹歸

子解北使而唐公代往

留犁撓酒得戎心繡袷通歡歲月深奉使由來須陸  
賈離親何必強曾參燕人候望空甌脫胡馬追隨出  
蹄林萬里春風歸正好亦逢佳客想揮金

尹村道中

滿眼霜吹宿草根謾知新歲不逢春却疑青嶂非人  
出更覺黃雲是塞塵萬里張侯能奉使百年曾子肯  
辭親自憐許國終無用何事紛紛客此身

次韻王勝之詠雪

萬戶千門車馬稀行人却返鳥休飛玲瓏翦水空中



墮的纒裝春樹上歸素髮聯華驚老大玉顏爭好美  
輕肥朝來已賀豐年瑞更問田家果是非

次韻酬府推仲通學士雪中見寄

朝來看雪詠君詩想見朱衣在赤墀為問火城將策  
試何如雲屋聽牕知曲牆稍覺吹來密窮巷終憐掃  
去遲欲訪故人非興盡自緣無路得傳卮

次韻宋次道憶太平早梅

大梁春費寶刀催不似湖陰有早梅今日盤中看翦  
綵當時花下就傳杯紛紛自向江城落杳杳難隨驛  
使來知憶舊游還想見西南枝上月徘徊

和曾子翊授舒掾之作

皖城終歲靜如山府掾應從到日閑一水碧羅裁綵

繞萬峯蒼玉刻孱顏舊遊筆墨苦今老浪走塵沙鬢  
已斑攬轡羨君橋北路春風枝上鳥關關

送劉和父奉使江西

劉郎今日擁旌麾傳到江南喜可知上冢還須擊羊  
豕下車應不問狐狸無人敢效勸一作公榮酒為我聊  
尋逸少池亦見嶺頭花爛熳更將春色寄相思

次韻張子野竹林寺二首

澗水橫斜石路深水源窮處有叢林青鴛幾世開蘭  
若黃鶴當年瑞卯金敗壁數峯連粉墨涼煙一穗起  
檀沈十年親友半零落回首舊遊成古今

二

京峴城南隱映深兩牛鳴地得禪林風泉隔屋撞哀



玉竹月緣塔貼碎金藻井仰窺塵漠漠青燈對宿夜  
沈沈扁舟過客十年事一夢此山愁至今

送吳龍圖知江寧

才高明主睠方深屬郡間風自革心間里不須多案  
治山川從此數登臨茅簷坐隔雲千里栢壟初抽翠  
一尋東望泣然知有寄但疑公豈久分襟

送直講吳殿丞宰鞏縣

青嵩碧洛曾遊地墨綬銅章忽在身擁馬尚多畿甸  
雪隨衣無復禁城塵古來學問須行己此去風流定  
慰人更憶少陵詩上語知君不負鞏梅春

送真州吳處厚使君

江上齋船駐彩橈鳴笳應滿綠楊橋久爲漢吏知文

法當使淮人服教條拱木延陵瞻故國叢祠瓜步認  
前朝登臨莫負山川好終欲東歸聽楚謠

送李質夫之陝府

平世求才漫至公悠悠羈旅士多窮十年見子尚短  
褐千里隨人今北風戶外屨貧虛自滿樽中酒賤亦  
常空共嫌欲老無機械心事還能與我同

題儀真致政孫學士歸來亭

彭澤陶潛歸去來素風千歲出塵埃明時雋老心無  
累故里高門子有才更作園林負城郭常留花月映  
池臺却尋五柳先生傳柴水區區但可哀

次韻吳季野題岳上人澄心亭

高亭五月尚寒生回首塵沙自鬱蒸砌水亂流穿石



底檻雲高出蔽山層躋攀欲絕人間世締名知從物  
外僧腸胃坐來清似洗神奇未怪佛圖澄

送彥珍

挾策窮鄉滿鬢絲陂田荒盡豈嘗窺未應谷口終身  
隱正合蓄川舉國推握手百憂空往事還家一笑即  
芳時拓岡定有辛夷發亦見東風使我知

寄張先郎中

留連山水住多時年比馮唐未覺衰篝火尚能書細  
字郵笈還肯寄新詩胡牀月下知誰對蠻榼花前想  
自隨投老主恩聊欲報每瞻高躅恨歸遲

汜水寄和甫

虎牢關下水逶迤想汝飄然過此時灑血祇添波浪

起脫身難借羽翰追留連厚祿非朝隱乖隔殘年更  
土思已卜冶城三畝地寄聲知我有歸期

寄黃吉甫

朱顏去似朔風驚白髮多於野草生挾策讀書空有  
得求田問舍轉無成解鞍烏石岡邊坐攜手辛夷樹  
下行今日追思真樂事黃塵深處走鷄鳴

次韻平甫村墅春日

昨日青青尚未齊忽看春色滿高低陂梅弄影爭先  
舞葉鳥藏身自在啼樵蹻踏雲歸舊徑漁蓑背雨向  
前溪似知我欲逃軒冕談笑相過各有攜

即席次韻微之泛舟

畫舸幽尋北果園應將陳迹問桑門地隨牆墻暫行多



曲天著岡巒望易昏故國時平空有木荒城人少半  
爲村悠悠興廢皆如此賴付乾愁酒一罇

示長安君

少年離別意非輕老去相逢亦愴情  
草草杯盤供笑語昏昏燈火話平生  
自憐湖海三年隔又作塵沙萬里行  
欲問後期何日是寄書應見鴈南征

和平甫招道光法師

練師投老演真乘像劫空王爪與肱  
於摠持門通一路以光明藏續千燈  
從容發口酬摩詰邂逅持心契  
慧能新句得公還有賴古人詩字取無僧

和祖仁晚過集禧觀

妍暖聊隨馬首東春衫猶未著方空  
煙霞送色歸瑤

水山水分香繞闌風壯髮已輸塵外綠  
衰顏漫到酒邊紅日斜歸去人間世  
却記前遊似夢中

程公闢轉運江西

江西一節鑄黃金最慰章濱父老心  
長孺向來真強予次公今不異重臨  
餘風尚有歡謠在陳迹非無勝事尋  
豫想新詩能寄我十年華省故情深

次韻微之即席

釀成吳米野油囊却愛清談氣味長  
閑日有僧來北阜平時無盜出南塘  
風亭對竹酬孤峭雪逕尋梅認暗香  
江水中濡應未變一杯終欲就君嘗

和王微之秋浦望齊山感李太白杜牧之

齊山置酒菊花開秋浦聞猿江上哀  
此地流傳空筆



墨昔人埋沒已蒿萊平生志業無高論末世篇章有  
逸才尚得使君驅五馬與尋陳迹久徘徊

次韻王微之登高齋

臺殿荒墟辱井堙豪華不復見臨春北山漠漠雲垂  
地南埭悠悠水映人馳道蔽虧松半死射場埋沒雉  
多馴登高一曲悲亡國想繞紅梁落暗塵

和微之重感南唐事

叔寶傾陳衍弊梁可嗟曾不見興亡齋祠父子終身  
費酣詠君臣舉國荒南狩皖山非故地北師淮水失  
名王天移四海歸眞主誰誘昏童肯用良

李君兄弟訪別長蘆至淮陰追寄

怒水憑風雪龍高亂流追我祇魚舫忽看淮月臨寒

食想映江春聽伯勞道義當成麟一角文章已秃免  
干毫後生可畏吾知子南北何時見兩髦

貴州虞部使君訪及道舊竊有感惻因成

小詩

韶山秀拔江清寫氣象還能出搢紳當我垂髫初識  
字看君揮翰獨驚人郵籤忽報旌麾入齋閣遙瞻組  
綬新握手更誰知往事同時諸彥略成塵

沖卿席上得行字

二年相值喜同聲並轡塵沙眼亦明新詔各從天上  
得殘樽同向月邊傾已嗟後會歡難必更想前官責  
尚輕龜勉敢忘君所勗古人憂樂有違行

示董伯懿



穿橋度壑祇閑行詠石嘲花亦漫成嚼蠟已能忘世  
味畫脂那更惜時名長千里北寒山紫白下門西野  
水明此地一塵須卜築故人他日訪柴荆

臨川先生文集卷第十九

臨川先生文集卷第二十九

律詩

七言八句

思王逢原三首

和吳御史臨淮感事

和文淑滄浦見寄

次韻吳季野再見寄

次韻平甫贈三靈山人程惟象

次韻和甫詠雪

次韻張氏女弟詠雪

次韻徐仲元詠梅二首

詩呈節判陸君

留題曲親盆山



不到太初兄所居遂已十年以詩攀寄  
偶成二首

雨過偶書

季春上旬苑中即事

上西垣舍人

退朝

與微之同賦梅花得香字三首

和晚菊

景福殿前栢

四月果

牆西樹

度麾嶺寄莘老

狄梁公陶淵明俱爲彭澤令至今有廟在焉

刁景純作詩見示繼以一篇

寄沈鄱陽

送裴如晦宰吳江

次韻樂道送花

善思亭

愁臺

和正叔懷其兄草堂

鄭子憲西齋

寄題思軒

陳君式大夫春軒

寄黃吉甫



高魏留

丁年

思王逢原三首

布衣阡陌動成群，卓犖高才獨見君。  
杞梓豫章蟠絕壑，騏驎躡躡跨浮雲。  
行藏已許終身共，生死那知半路分。  
便恐世間無妙質，鼻端從此罷揮斤。

二

蓬蒿今日想紛披，冢上秋風又一吹。  
妙質不為平世得，微言唯有故人知。  
廬山南墮當書案，滄水東來入酒卮。  
陳迹可憐隨手盡，欲歡無復似當時。

三

百年相望濟時功，歲路何知向此窮。  
鷹隼奮飛鳳羽

短駢麟埋沒馬群空，中郎舊業無兒付。  
康子高才有婦同，想見江南原上墓。  
樹枝零落紙錢風。

和吳御史臨淮感事

柵鎖城扉曉一開，拖牙車軸轉成雷。  
黃塵欲礙龜山出，白浪空分汴水來。  
澄觀有材邀昧陋，霽雲無方報斲回。  
騷人此日追前事，悲氣隨秋動管灰。

和文淑滄浦見寄

多難漂零歲月賒，空餘文墨舊生涯。  
相看楚越常千里，不及朱陳似一家。  
髮爲感傷無翠葆，眼從瞻望有玄花。  
唯詩與我寬愁病，報爾何妨賦棣華。

次韻吳季野再見寄

衣裘南北弊風塵，志趣卑汗已累親。  
流俗尚疑身察



察交遊方笑黨頻頻遠同魚樂思濠上老使鷗鷺取  
海濱邂逅得君還恨晚能明吾意又無人

次韻平甫贈三靈山人程惟象

家山松菊半荒蕪杖策窮年信所如占見地靈非卜  
筮筭知人貴自陶漁久諳郭璞言多驗老比顏含意  
更踈祇欲勒成方士傳借君名姓在新書

次韻和甫詠雪

奔走風雲四面來坐看山麓玉崔嵬平治險穢非無  
德潤澤焦枯是有才勢合便疑包地盡功成終欲放  
春回寒鄉不念豐年瑞只憶青天萬里開

次韻張氏女弟詠雪

天上空多地上稀初寒風力故應微那能鎮壓黃塵

意強欲侵凌白日飛邑犬橫來矜意氣窟蟻偷出  
光輝都城只有表安憊我亦年年幸賜衣

次韻徐仲元詠梅二首

溪杏山桃欲占新高梅放榮尚嬌春額黃映日明飛  
燕肌粉含風冷太真玉笛悲涼吹易散冰紈生澀畫  
難親爭妍喜有君詩在老我一作條然敢效顰

二

舊挽青條冉冉新花遲亦度柳前春肌冰綽約如姑  
射膚雪參差是太真搖落會應傷歲晚攀翻賸欲寄  
情親終無驛使傳消息寂寞知誰笑與顰

詩呈節判陸君名彥回

中郎筆墨妙他年晚與君遊喜象賢款款故情初未



慙飄飄新句摠堪傳英才但未遭文舉 明主寧當  
弃浩然投贈臨分加組麗小詩能不強雕鐫

留題曲親益山 和州曲叙

巧與天成未覺殊國工施手豈須史根連滄海蓬萊  
閣勢壓黃河砥柱孤坐上煙嵐生紫翠影中樓閣見  
青朱為山觀水皆良喻誰向君家識所趨

不到太初兄所居遂已十年以詩攀寄

一水衣巾前翦翠綃九峯環珮刻青瑤生才故有山川  
氣上築兼無市井囂三葉素風門闕在十年陳迹履  
綦銷歸榮早晚重攜手莫負幽人久見招

偶成二首

漸老偏諳世上情已知吾事獨難行脫身負米將來  
志戮力求田豈為名高論頗隨衰俗廢壯懷難值故  
人傾相逢始欲寬愁病搔首還添白髮生

二

懷抱難開醉易醒曉歌悲壯動秋城年光斷送朱顏  
去世事栽培白髮生三畝未成幽處宅一身還逐衆  
人行可憐蝸角能多少獨與區區觸事爭

兩過偶書

霈然甘澤洗塵寰南畝東郊共慰顏地望歲功還物  
外天將生意與人間霽分星斗風雷靜涼入軒窓枕  
簟閑誰似浮雲知進退纔成霖雨便歸山

季春上旬苑中即事

輦路行看斗柄東簾垂殿閣轉春風樹林隱翳燈舍



霧河漢歌斜月墜空新藥漫知紅款款舊山常夢直  
叢叢賞心樂事須年少老去應無日再中

上西垣舍人

共說才高世所珍諸賢誰敢望光塵討論潤色今爲  
美學問文章老更醇賦擬相如真復似詩看子建的  
應親仍聞悟主言多直許史家兒往往嗔

退朝

門外鳴騶送響頻披衣強起赴鷄人火城夜闍雲藏  
闕玉座朝寒雪被宸遊近欲成雙白鬢蕭條難得兩  
朱輪猶憐退食親朋在相與吟哦未厭貧

與微之同賦梅花得香字三首

漢宮嬌額半塗黃粉色凌寒透薄粧好借月魂來映

燭恐隨春夢去飛揚風亭把盞酬孤豔雪徑回輿認  
暗香不爲調羹應結子直須留此占年芳

二

結子非貪鼎鼐嘗偶先紅杏占年芳從教臘雪埋藏  
得却怕春風漏洩香不御鈿華知國色祇裁雲縷想  
仙裝少陵爲爾牽詩興可是無心賦海棠

三

淺淺池塘短短牆年年爲爾惜流芳向人自有無言  
意傾國天教抵死香鬢衰黃金危欲墮帶團紅蠟  
能裝嬋娟一種如冰雪依倚春風笑野棠

和晚菊

不得黃花九日吹空看野葉翠葳蕤淵明酩酊知何



處子美蕭條向此時委翳似甘終草莽栽培空欲傍  
藩籬可憐蜂蝶飄零後始有閑人把一枝

景福殿前栢

香葉由來耐歲寒幾經真賞駐鳴鑿根通御水龍應  
蟄枝觸宮雲鶴更盤怪石誤蒙三品號老松先得大  
夫官知君勁節無榮慕寵辱紛紛一等看

四月果

一春強半勒花風幾日園林幾樹紅汲汲追攀常恨  
晚紛紛吹洗忽成空行看果下蒼苔地已作人間白  
髮翁豈惜解鞍留夜飲此身醒醉與誰同

牆西樹

牆西高樹結陰稠步履窮年向此留白日屢移催我

老清風一至使人愁紛紛暝鳥驚還合泐泐涼蟬咽  
欲休回首舊林歸未得看看知復幾春秋

度麾嶺寄莘老

區區隨傳換冬春夜半懸崖託此身豈慕王尊能許  
國直緣毛義欲私親施爲已壞生平學夢想猶歸寂  
寞濱風月一歌勞者事能明吾意可無人

狄梁公陶淵明俱爲彭澤令至今有廟在

焉方景純作詩見示繼以一篇

嘉祐中提  
點江東刑

作獄時

梁公壯節就憂魑陶令清身託酒徒政在房陵成底  
事年稱甲子亦何須江山彭澤空遺像歲月柴桑失  
故區末俗此風猶不競詩翁歎息未應無



寄沈鄱陽

時為江東提刑

離家當日尚炎風叱馭歸時九月窮朝渡藤溪霜落  
後夜過麾嶺月明中山川道路良多阻風俗謠言苦  
未通唯有番君人共愛流傳名譽滿江東

送裴如晦宰吳江

分題以贈梅堯臣然安石銷之而

青髮朱顏各少年幅巾談笑兩歡然柴桑別後餘三  
徑天祿歸來盡一塵邂逅都門誰載酒蕭條江縣去  
鳴弦猶疑甬里英靈在到日憑君為艤船

次韻樂道送花

沁水名園好物華露盤分送子雲家新粧欲應何人  
面彩筆知書幾葉花曾和郢中歌白雪亦陪天上飲  
流霞春風已得同心賞更擬攜詩載酒誇

籌思亭

在江東轉運司南橋後園

昔人何計亦何思許國憂民適此時寓與中園為遠  
趣託名華榜有新詩數株碧柳蒼苔地一丈紅葉綠  
水池坐聽楚謠知歲美想銜杯酒問花期

愁臺

頽垣斷澗有平沙老木荒榛八九家河勢東南吹地  
圻天形西北倚城斜傾壺語罷還登眺岸憤詩成却  
嘆嗟萬事因循今白髮一年容易即黃花

和正叔懷其兄草堂

茹堂竹樹水之濱耕稼逍遙似子真小吏一身今倦  
宦先生三畝獨安貧欲拋縣印辭黃綬來伴山冠戴  
白綸祇恐明時收士急不容家有兩閑人



鄭子憲西齋

漫名御軒窻意亦深滔滔浮俗倦登臨詩書千載經綸  
志松竹四時蕭洒心曉枕不容春夢到夜燈唯許月  
華侵行看富貴酬勤苦車馬重來拾翠陰

寄題思軒

名郎此地昔徘徊天誘良孫接踵來萬屋尚歌餘澤  
在一軒還向舊堂開右軍筆墨空殘沼內史文章祗  
廢臺邑子從今誇勝事豈論王謝世稱才

陳君式大夫恭軒

恭軒靜對北堂林新斲檀藥一畝陰膝下往來前日  
事眼中封植去年心每懷罇筆沾餘瀝獨喜弦歌有  
嗣音肯名御會須門閥大世資何用滿籛金

寄黃吉甫

學兼文武在吾曹別後應看虎豹韜欲問廟堂誰鎮  
撫尚傳邊塞敢驚騷旌旗急引飛黃下時發騎烽火  
遙連太白高聞說荆人亦憔悴家家還願獻春醪

高魏留


魏留十七助防邊埋沒鹽州十八年衣履窮空委胡  
婦糗糧辛苦待山田關河舊路頻回首腹背他時兩  
受鞭邂逅得歸耶戰死母隨人去亦蕭然

丁年

丁年結客盛遊從宛洛羶車處處逢吟盡物華愁筆  
老醉消春色愛醅濃壚間寂寞相如病鍛處荒涼叔  
夜慵早晚青雲須自致立談平取徹侯封



臨川先生文集卷第二十





程